



უმაღლესი საბჭოს უწყებები

№ 5 (74)


ოქტომბერი

1956 წ.

შინაიკისი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. ბრძანებულება საქართველოს სსრ მოწინავე მშენებელთა დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით.
2. ბრძანებულება ამხ. გ. ნ. ზამბახიძის განთავისუფლების შესახებ საქართველოს სსრ საშენ მასალათა მრეწველობის მინისტრის თანამდებობისაგან.
3. ბრძანებულება ამხ. გ. პ. ხომერვიის დანიშვნის შესახებ საქართველოს სსრ საშენ მასალათა მრეწველობის მინისტრად.
4. ბრძანებულება ამხ. ა. ე. მელაძის განთავისუფლების შესახებ საქართველოს სსრ ადგილობრივი მრეწველობის მინისტრის თანამდებობისაგან.
5. ბრძანებულება ამხ. მ. ფ. ჩხეიძის დანიშვნის შესახებ საქართველოს სსრ ადგილობრივი მრეწველობის მინისტრად.
6. ბრძანებულება ბ. რ. (ბენო) ტელინგატერისათვის საქართველოს სსრ ხელოვნების დამსახურებული მოღვაწის წოდების მინიჭების შესახებ.
7. ბრძანებულება საქართველოს სსრ სპორტსმენთა დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით.
8. „მოქალაქეობრივი მდგომარეობის აქტების ჩამწერი ბიუროების მუშაობის შესახებ საქართველოს სსრ რესპუბლიკაში“ საქართველოს სსრ უმაღლესი საბჭოს პრეზიდიუმის 1954 წლის 29 მაისის დადგენილების შესრულების მიმდინარეობის შესახებ ადიგენის, ასპინძის, ახალქალაქის, თერჯოლის, ორჯონიკიძის და წულუკიძის რაიონებში.
9. „საყოველთაო-სავალდებულო სწავლების კანონის გატარების მდგომარეობის შესახებ ახალქალაქის და წალენჯიხის რაიონებში“ საქართველოს სსრ უმაღლესი საბჭოს პრეზიდიუმის 1954 წლის 20 ოქტომბრის დადგენილების შესრულების მიმდინარეობის შესახებ ადიგენის, ასპინძის, ახალქალაქის, ზუგდიდის, თერჯოლის, ორჯონიკიძის და წულუკიძის რაიონებში.
10. ბრძანებულება საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებების დაწესების შესახებ.
11. დასახლებული პუნქტების ქალაქის დასახლებად გარდაქმნის წესის შესახებ.
12. საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოების მუდმივი კომისიების დებულების შესახებ.
13. ბრძანებულება მცხეთის რაიონის დაბა მცხეთის რაიონული დაქვემდებარების ქალაქად გარდაქმნის შესახებ.
14. ბრძანებულება მცხეთის რაიონის ნიჩბისის სასოფლო საბჭოს სოფლების ნატბურისა და ზუენის გაუქმების შესახებ.
15. ბრძანებულება გეგეჭკორის რაიონის ცენტრის სოფელ გეგეჭკორის დაბად გარდაქმნის შესახებ.
16. ბრძანებულება ქუთაისის რაიონის სახალხო მოსამართლის თანამდებობისაგან ბ. კ. თოფურაძის გამოწვევის შესახებ.



საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. ბრძანებულება საქართველოს სსრ მოწინავე მშენებელთა დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით

„მშენებლის დღესთან“ დაკავშირებით დაჯილდოვდნენ საქართველოს სსრ მოწინავე მშენებლები, საქართველოს სსრ უმაღლესი საბჭოს პრეზიდიუმის საპატიო სიგელით:

- | | |
|--|--|
| 1. ალახვერდოვი ყარა-მუს-ტაფა ოღლი | — მეტალურგმშენის სამშენებლო სამმართველოს მუშა |
| 2. ანდლულაძე ქრისტეფორე იაგორის-ძე | — თბილჭიდროენერგოპროექტის მთავარი ინჟინერი |
| 3. გაბუნია ივანე გაიოზის-ძე | — საქალაქო მშენებლობის დამპროექტებელი სახელმწიფო ინსტიტუტის მთავარი ინჟინერი |
| 4. ბარაბაძე გიგლა ვლადიმერის-ძე | — ტრესტ „საქშახტმშენის“ ქუთაისის სამშენებლო სამმართველოს მეტეტონე |
| 5. ბაქრაძე ნიკოლოზ ივანეს-ძე | — საქჰიდროენერგომშენის ტრესტის ექსკავატორზე მომუშავე |
| 6. გაფრინდაშვილი ქსენია თადეოსის ასული | — თბილისის კერამიკული კომბინატის მშენახვი |
| 7. გვოზდიკოვი ვასილ დიმიტრის-ძე | — მეტალურგმშენის სამშენებლო სამმართველოს მეარმატურე |
| 8. გიორგაძე ნესტორ ასალოს-ძე | — ამიერკავკასიის მეტალურგმშენის ტრესტის მმართველი |
| 9. ქიცვა ზორის მიხეილის-ძე | — საქართველოს სსრ საქალაქო და სასოფლო მშენებლობის სამინისტროს № 6 ტრესტის ბრიგადირი |
| 10. ლუბოვი ანდრია პავლეს-ძე | — გზატკეცილების მთავარი სამმართველოს ბულდოზერისტი |
| 11. ვაშაიძე გრიგოლ ვიქტორის-ძე | — მეტალურგმშენის სამმართველოს მთავარი ინჟინერი |
| 12. ზიაბეკიანი ივანე ექვთიმეს-ძე | — გუმათჰესის მეარმატურეთა ბრიგადირი |
| 13. თადაევი ვახტანგ სიმონის-ძე | — საქართველოს სსრ ადგილობრივი მრეწველობის სამინისტროს სამშენებლო-სამონტაჟო სამმართველოს მეარმატურე |
| 14. თვალავაძე გიორგი სარდიონის-ძე | — საქართველოს სსრ ადგილობრივი მრეწველობის სამინისტროს სამშენებლო-სამონტაჟო სამმართველოს უფროსი |
| 15. კახიძე იბრაჰიმ ქებასის-ძე | — საქართველოს სსრ საქალაქო და სასოფლო მშენებლობის სამინისტროს № 5 ტრესტის კალატოზი |



- 16. კაუნ ნიკოლოზ პეტრეს-ძე — საქართველოს სსრ მსუბუქი მრეწველობის სამინისტროს სპეციალიზირებული სამშენებლო-სამონტაჟო სამმართველოს მებათქაშე
- 17. კეჩუაშვილი ალექსანდრე ნიკოლოზის-ძე — „საქკვებმრეწვპროექტის“ უფროსი არქიტექტორი
- 18. კედია ვალერიან ალექსანდრეს-ძე — საქალაქო მშენებლობის დამპროექტებელი სახელმწიფო ინსტიტუტის პროექტის მთავარი არქიტექტორი
- 19. კიკაძე დავით მიხეილის-ძე — საქართველოს სსრ სასურსათო საქონლის მრეწველობის მშენმონტაჟის ტრესტის მემონტაჟე
- 20. კოკოზაშვილი შოთა ნიკოლოზის-ძე — ამიერკავკასიის მეტალურგმშენის ტრესტის მებათქაშეთა ბრიგადირი
- 21. კუდოიაროვი ნიკოლოზ დავითის-ძე — ამიერკავკასიის ტრანსმშენის ტრესტის ექსკავატორების მემანქანეთა ბრიგადირი
- 22. ლაგოიდა გრიგოლ თევდორეს-ძე — საქართველოს სსრ სასურსათო საქონლის მრეწველობის მშენმონტაჟის ტრესტის მემონტაჟე
- 23. მარკოვი თევდორე პავლეს-ძე — ამიერკავკასიის მეტალურგმშენის ტრესტის კალატოზი
- 24. მელიქიშვილი ალექსი გაბრიელის-ძე — საქართველოს სსრ სასურსათო საქონლის მრეწველობის მშენმონტაჟის ტრესტის დურგალთა ბრიგადირი
- 25. ობოლაძე გრუზო ივანეს-ძე
- 26. ოდიკაძე გიორგი იოსების-ძე — ამიერკავკასიის მეტალურგმშენის ტრესტის ექსკავატორის მემანქანე
- 27. ოლენიკოვი ალექსანდრე გრიგოლის-ძე — ლაჯანურჰესის მშენებლობის გამყვანთა ბრიგადირი
- 28. ომანიძე ნადეჟდა ფილიპეს ასული — საქართველოს სსრ საქალაქო და სასოფლო მშენებლობის სამინისტროს № 1 ტრესტის მეხეტონეთა ბრიგადირი
- 29. ოქსუზიან ავეტის ვასილის-ძე — სამტრედიის აგურის ქარხნის კრამიტის საამქროს მუშა
- 30. ჟელიაევი გაბრიელ სტეფანეს-ძე — საქართველოს სსრ საქალაქო და სასოფლო მშენებლობის სამინისტროს № 8 ტრესტის ზეინკალთა და სანტექნიკოსთა ბრიგადირი
- 31. საანიშვილი ალექსანდრე იაკობის-ძე — გზატკეცილების მთავარი სამმართველოს გზის ინჟინერი
- 32. ტევონიან ლევან პოლოსის-ძე — ამიერკავკასიის მეტალურგმშენის ტრესტის კომპლექსური ბრიგადის ბრიგადირი
- 33. ტუშკანოვა ბარბალე ვასილის ასული — საქართველოს სსრ საქალაქო და სასოფლო მშენებლობის სამინისტროს № 3 ტრესტის მებათქაშეთა ბრიგადირი



- 34. ქამუშაძე რუბენ ვარდანის-ძე — ამიერკავკასიის ტრანსმშენის ტრესტის კალატოზი
- 35. ქართველიშვილი ლევან იასეს-ძე — საქართველოს სსრ საქალაქო და სასოფლო მშენებლობის სამინისტროს № 2 სამშენებლო სამმართველოს მებეტონეთა ბრიგადირი
- 36. ქუთათელაძე გივი კონსტანტინეს-ძე — საქვიდროენერგომშენის ტრესტის მაღალვოლტიანი ქსელის სამონტაჟო სამუშაოთა მწარმოებელი
- 37. ყავლაშვილი ვასილ ტიმოთეს-ძე — ტყიბულუპესის მშენებლობის უფროსი
- 38. შაშიაშვილი გიორგი ალექსანდრეს-ძე
- 39. ჩხენკელი ივანე ნოეს-ძე — თბილისის ქალაქპროექტის მმართველი
- 40. ცატუროვი ალექსანდრე ტიგრანის-ძე — ამიერკავკასიის ტრანსმშენის ტრესტის უფროსი
- 41. ცურკავა ლევან იოსების-ძე — „კოლხიდიმშენის“ მემონტაჟე
- 42. ცქიფურიშვილი კარლო ვალაქტიონის-ძე — ტრესტ „საქელექტროქსელმშენის“ მემონტაჟე
- 43. ცხოვრებოვი იასონ ივანეს-ძე — საქართველოს სსრ საქალაქო და სასოფლო მშენებლობის სამინისტროს № 3 ტრესტის კალატოზი
- 44. წიკლაური არსენ დავითის-ძე — ამიერკავკასიის მეტალურგმშენის ტრესტის კომპლექსური ბრიგადის ბრიგადირი
- 45. ჭირაქაძე გრიგოლ ვარლამის-ძე — სასოფლო მშენებლობის დამპროექტებელი ინსტიტუტის დირექტორი
- 46. ჭელიძე ვალერიან ილიას-ძე — საქართველოს სსრ საქალაქო და სასოფლო მშენებლობის სამინისტროს № 7 სამშენებლო სამმართველოს დურგალთა ბრიგადირი
- 47. ხორიშკო ივანე ვლადიმერის-ძე — საქართველოს სსრ საქალაქო და სასოფლო მშენებლობის სამინისტროს № 6 ტრესტის დურგალი
- 48. ჯალალანია ავთანდილ კონსტანტინეს-ძე — ტრესტ „საქშახტმშენის“ სამშენებლო სამმართველოს კალატოზი
- 49. ჯანელიძე ილია იაკობის-ძე — „საქსახპროექტის“ ინჟინერი.

საქართველოს სსრ უმაღლესი საბჭოს პრეზიდიუმის თავმჯდომარე—**მ. ჩუბინიძე.**

საქართველოს სსრ უმაღლესი საბჭოს პრეზიდიუმის მდივანი—**ხ. როსტიაშვილი.**



2. ბრძანებულება ამხ. გ. ნ. ზამბახიძის განთავისუფლების შესახებ საქართველოს სსრ საშენ მასალათა მრეწველობის მინისტრის თანამდებობისაგან

განთავისუფლდეს ამხ. გრიგოლ ნიკიფორეს-ძე ზამბახიძე საქართველოს სსრ საშენ მასალათა მრეწველობის მინისტრის თანამდებობისაგან, მისი სხვა სამუშაოზე გადაყვანის გამო.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ს. როსტიაშვილი.

ქ. თბილისი.
1956 წ. 20 აგვისტო.

3. ბრძანებულება ამხ. გ. პ. ხომერიკის დანიშვნის შესახებ საქართველოს სსრ საშენ მასალათა მრეწველობის მინისტრად

დაინიშნოს ამხ. გრიგოლ პეტრეს-ძე ხომერიკი საქართველოს სსრ საშენ მასალათა მრეწველობის მინისტრად.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ს. როსტიაშვილი.

ქ. თბილისი.
1956 წ. 27 აგვისტო.

4. ბრძანებულება ამხ. ა. ე. მელაძის განთავისუფლების შესახებ საქართველოს სსრ ადგილობრივი მრეწველობის მინისტრის თანამდებობისაგან

განთავისუფლდეს ამხ. ალექსანდრე ერასტის-ძე მელაძე საქართველოს სსრ ადგილობრივი მრეწველობის მინისტრის თანამდებობისაგან სხვა სამუშაოზე გადაყვანის გამო.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ს. როსტიაშვილი.

ქ. თბილისი.
1956 წ. 31 აგვისტო.



5. ბრძანებულება ამხ. მ. ფ. ჩხეიძის დანიშვნის შესახებ საქართველოს სსრ ადგილობრივი მრეწველობის მინისტრად

დაინიშნოს ამხ. მიხეილ ფილიპეს-ძე ჩხეიძე საქართველოს სსრ ადგილობრივი მრეწველობის მინისტრად.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ს. როსტიაშვილი.

ქ. თბილისი.

1956 წ. 31 აგვისტო.

6. ბრძანებულება ბ. რ. (ბენო) ტელინგატერისათვის საქართველოს სსრ ხელოვნების დამსახურებული მოღვაწის წოდების მინიჭების შესახებ

ბ. რ. ტელინგატერის დაბადებიდან ოთხმოცი წლის შესრულებასთან დაკავშირებით და დეკორაციული გაფორმების ხელოვნების დარგში დამსახურებისათვის მიენიჭოს ბენედიქტე რაფიელის-ძე (ბენო) ტელინგატერს საქართველოს სსრ ხელოვნების დამსახურებული მოღვაწის წოდება.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ს. როსტიაშვილი.

ქ. თბილისი.

1956 წ. 31 აგვისტო.

7. ბრძანებულება საქართველოს სსრ სპორტსმენთა დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით

საქართველოს სსრ რესპუბლიკაში ფიზიკური კულტურისა და სპორტის განვითარების საქმეში აქტიური მონაწილეობისა და 1956 წლის სსრ კავშირის ხალხთა სპორტაკიადაზე მაღალი სპორტული მიღწევებისათვის დაჯილდოვდნენ საქართველოს სსრ უმაღლესი საბჭოს პრეზიდიუმის საპატიო სიგელით:

- | | |
|---------------------------------------|-----------------------|
| 1. გაგნიძე კონსტანტინე
მიხეილის-ძე | — ფეხბურთელი |
| 2. გვახარია ნოდარ
ვალერიანის-ძე | — წყალბურთელი |
| 3. ელოშვილი ვლადიმერ
სერგის-ძე | — ფეხბურთელი |
| 4. ზაზროშვილი ანდრია
ივანეს-ძე | — ფეხბურთელი |
| 5. თიკანაძე მიხეილ
იაგორის-ძე | — მწრთენელი კიდაობაში |

- | | |
|--|-------------------------------|
| 6. კალოვეი ზაურ
გრიგოლის-ძე | — ფეხბურთელი |
| 7. კაპიტანოვი ლევ
ნიკოლოზის-ძე | — მწვრთნელი ქიდაობაში |
| 8. კიენაძე არჩილ
სამუილის-ძე | — მწვრთნელი ფეხბურთში |
| 9. კლდიაშვილი მარიამ
ვლადიმერის ასული | — მწვრთნელი ჩოგბურთში |
| 10. კოტრიკაძე ალექსანდრე
პარმენის-ძე | — ფეხბურთელი |
| 11. კუხიანიძე ვახტანგ
მელიტონის-ძე | — მწვრთნელი ქიდაობაში |
| 12. მარღანია ვლადიმერ
ჩიჩინოს-ძე | — ფეხბურთელი |
| 13. ნიკიტინი ბორის
ვასილის-ძე | — მოცურავე |
| 14. ნოზაძე შალვა
ივანეს-ძე | — მწვრთნელი ქიდაობაში |
| 15. ოვანოვი ივანე
ივანეს-ძე | — მწვრთნელი ტანვარჯიშში |
| 16. ოვანესიანი კონსტანტინე
არტემის-ძე | — წყალბურთელი |
| 17. პირაევი მიხეილ
იაკობის-ძე | — ფეხბურთელი |
| 18. რაზმაძე ვლადიმერ
სერგის-ძე | — მწვრთნელი ნიჩბოსნობაში |
| 19. სხირტლაძე გიორგი
სერგის-ძე | — მოჭიდავე |
| 20. ლოლობერიძე ავთანდილ
ნიკოლოზის-ძე | — ფეხბურთელი, გუნდის კაპიტანი |
| 21. ჩაჩავა ზურაბ
როსტომის-ძე | — წყალბურთელი |
| 22. ჩხიკვაძე ირაკლი
დიმიტრის-ძე | — წყალბურთელი |
| 23. ცალქალამანიძე მირიან
ვასილის-ძე | — მოჭიდავე |
| 24. ძეკონსკი ლევ
ვიქტორის-ძე | — მწვრთნელი კალათბურთში |
| 25. ძიააშვიბა ნიაზი
ალექსანდრეს-ძე | — ფეხბურთელი |
| 26. ძნელაძე რომან
მიხეილის-ძე | — მოჭიდავე |
| 27. ჭკუასელი ავთანდილ
ნოეს-ძე | — ფეხბურთელი |
| 28. ხასაია ბორის
ნიკოლოზის-ძე | — ფეხბურთელი |



- 29. ხოქოლავე გივი — ფეხბურთელი
ივანეს-ძე
- 30. ჯეჯელავა გაიოზ — უფროსი მწვრთნელი ფეხბურთში.
ივანეს-ძე

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი—ხ. როსტიაშვილი.

ქ. თბილისი.
1956 წ. 1 სექტემბერი.

8. „მოქალაქეობრივი მდგომარეობის აქტების ჩამწერი ბიუროების მუშაობის შესახებ საქართველოს სს რესპუბლიკაში“ საქართველოს სსრ უმაღლესი საბჭოს პრეზიდიუმის 1954 წლის 29 მაისის დადგენილების შესრულების მიმდინარეობის შესახებ ადიგენის, ასპინძის, ახალქალაქის, თერჯოლის, ორჯონიკიძის და წულუკიძის რაიონებში

საქართველოს სსრ უმაღლესი საბჭოს პრეზიდიუმი აღნიშნავს, რომ „მოქალაქეობრივი მდგომარეობის აქტების ჩამწერი ბიუროების მუშაობის შესახებ საქართველოს სს რესპუბლიკაში“ საქართველოს სსრ უმაღლესი საბჭოს პრეზიდიუმის 1954 წლის 29 მაისის დადგენილების შესასრულებლად ადიგენის, ასპინძისა და წულუკიძის რაიონებში ჩატარებულა ერთგვარი მუშაობა, შემოწმებულია რაიონის მოქალაქეობრივი მდგომარეობის აქტების ჩამწერი ბიუროებისა და ზოგიერთი სასოფლო საბჭოს მუშაობა და დასახულია კონკრეტული ღონისძიებანი ნაკლოვანებათა გამოსასწორებლად.

მიუხედავად ამისა აღნიშნულ რაიონებს ამ საქმეში ჯერ კიდევ გააჩნიათ სერიოზული ნაკლოვანებანი.

თერჯოლისა და ორჯონიკიძის რაისაბჭოების აღმასკომებს საქართველოს სსრ უმაღლესი საბჭოს პრეზიდიუმის აღნიშნული დადგენილება არ განუხილავთ, ხოლო ახალქალაქის რაისაბჭოს აღმასკომმა განიხილა, მაგრამ მიღებული გადაწყვეტილება რაიონის სასოფლო საბჭოებს არ დაუგზავნა.

შემოწმებით დადგენილია აგრეთვე, რომ აღნიშნული რაიონების მოქალაქეობრივი მდგომარეობის აქტების ჩამწერი ბიუროები და სასოფლო საბჭოების აღმასკომები დროულად არ აწარმოებენ მოსახლეობის ბუნებრივი მოძრაობის რეგისტრაციას.

ასე, მაგალითად: ახალდაბადებული ბავშვები ერთ თვეზე მეტი ხნის დავიანებით რეგისტრირებულია 1955—56 წ.წ. ადიგენის რაიონის მოქალაქეობრივი მდგომარეობის აქტების ჩამწერ ბიუროში—12, ასპინძის რაიმმაჩის ბიუროში—20 და წულუკიძის რაიმმაჩის ბიუროში—9; ხოლო ახალქალაქის რაიონში ახალდაბადებულ ბავშვთა უმრავლესობა რეგისტრაციაში ვატარებულია დაწესებული ვადების დიდი დარღვევით; ამავე რაიონებში რეგისტრირებული არ იყო 3-დან 10 წლამდე ასაკის ზოგიერთი ბავშვი.

ადგილი აქვს ადიგენის, თერჯოლის და ორჯონიკიძის რაიონებში გარდაცვალებულთა დავიანებით რეგისტრაციის ფაქტებს. ახალქალაქის რაიონში.



ნის ვაჩიანის სასოფლო საბჭოში რეგისტრირებული არ იყო გარდაცვალებული
3 შემთხვევა;

შემოწმებით გამოვლინებულია აგრეთვე რომ ზოგიერთი რაიონის სამ-
კურნალო დაწესებულებები მოქალაქეობრივი მდგომარეობის აქტების ჩამწერ
ორგანოებს დროულად არ აწვდიან ცნობებს მკვდრადშობილ და მშობიარო-
ბის შემდეგ გარდაცვალებულ ბავშვების შესახებ.

ასევე დადგენილია, რომ მეორე ან მესამე ქორწინებაში მყოფ პირებს
არა აქვთ წარდგენილი ცნობები წინა ქორწინების გაუქმების შესახებ.

ორჯონიკიძის, წულუკიძის და თერჯოლის რაიიმეაჩის ბიუროებში არ
სწარმოებს მშრომელთა განცხადებების აღრიცხვა და მათზე პასუხების დროუ-
ლად გაცემა. თერჯოლის რაიიმეაჩის ბიუროში ა/წ აგვისტოში შემოსულ 40
განცხადებაზე პასუხი არ იყო გაცემული, ხოლო დაბადების მოწმობების მი-
საღებად შემოსულ განცხადებებზე არ იყო დაკრული სახელმწიფო ბაჟის
მარკები.

მოქალაქეობრივი მდგომარეობის აქტების ჩამწერ რაიონულ ბიუროებს
ჯერ კიდევ არა აქვთ შესაფერისი ბინები, არ გააჩნიათ საჭირო ინვენტარი,
არ არის უზრუნველყოფილი დოკუმენტების სათანადოდ დაცვა.

საქართველოს სსრ უმაღლესი საბჭოს პრეზიდიუმი ა დ გ ე ნ ს:

1. დაევალოს ადიგენის, ასპინძის, ახალქალაქის, თერჯოლის, ორჯონი-
კიძისა და წულუკიძის რაიონების მშრომელთა დეპუტატების საბჭოების აღ-
მასრულებელ კომიტეტებს:

ა) მიიღონ გადამჭრელი ზომები მოქალაქეობრივი მდგომარეობის აქტე-
ბის ჩამწერი ბიუროებისა და სასოფლო საბჭოების მუშაობაში არსებულ ნაკ-
ლოვანებათა გამოსასწორებლად;

ბ) გამოავლინონ და დაუყოვნებლივ რეგისტრაციაში გაატარონ დაბა-
დებისა და გარდაცვალების ყველა შემთხვევა;

გ) მიიღონ იმას, რომ ახალდაბადებულნი და გარდაცვალებულნი რე-
გისტრირებული იყვნენ დაწესებული ვადების დაცვით;

დ) უზრუნველყონ მშრომელთა განცხადებების დროულად განხილვა და
პასუხების გაცემა;

ე) მიიღონ ზომები, რათა მოქალაქეობრივი მდგომარეობის აქტების ჩამ-
წერმა ბიუროებმა და სასოფლო საბჭოებმა დროულად და ხარისხიანად აწარ-
მოონ მოქალაქეობრივი მდგომარეობის აქტების გაფორმება და მათი წარდ-
გენა სათანადო ორგანოებში;

ვ) პერიოდულად შეამოწმონ მოქალაქეობრივი მდგომარეობის აქტების
ჩამწერი ბიუროებისა და სასოფლო საბჭოების მუშაობა ამ მიმართულებით,
შედეგები განიხილონ აღმასკომების სხდომებზე და დასახონ სათანადო ღონის-
ძიებანი გამოვლინებული ნაკლოვანებების გამოსასწორებლად;

ზ) უზრუნველყონ მოქალაქეობრივი მდგომარეობის აქტების ჩამწერი
ბიუროები შესაფერისი ბინებით, ინვენტარით და მიიღონ ზომები დოკუმენ-
ტების სათანადო შენახვა-დაცვისათვის.

2. დაევალოს საქართველოს სსრ ჯანმრთელობის დაცვის მინისტრს ანხ.
დ. გ. მამათაფრიშვილს უზრუნველყოს სათანადო ზედამხედველობა და კონ-
ტროლი, რათა სამშობიარო სახლებისა და საავადმყოფოების ხელმძღვანე-
ლებმა დროულად წარუდგინონ მამაჩის ორგანოებს ცნობები დაბადებულთა
და გარდაცვალებულთა შესახებ და უზრუნველყოფილი იქნან საექიმო პუნქ-



ტები დაბადებისა და გარდაცვალების ცნობების დაწესებული ფორმის გამოყენებით.

3. დაევალოს საქართველოს სსრ შინაგან საქმეთა სამინისტროს რესპუბლიკური მილიციის სამმართველოს უფროსს ამხ. ო. დ. მუსერიძეს და საქართველოს სსრ სტატისტიკურ სამმართველოს უფროსს ამხ. ა. ნ. ხაჩიძეს გააძლიერონ კონტროლი და დახმარება მოქალაქეობრივი მდგომარეობის აქტების ჩამწერი ბიუროების მუშაობაზე.

4. ერთობ აფხაზეთისა და აჭარის ასსრ უმაღლესი საბჭოების პრეზიდიუმებს, სამხრეთ ოსეთის ავტონომიური ოლქის მშრომელთა დეპუტატების საბჭოს აღმასკომს, რესპუბლიკის რაიონებისა და ქალაქების მშრომელთა დეპუტატების საბჭოების აღმასკომებს შეამოწმონ საქართველოს სსრ უმაღლესი საბჭოს პრეზიდიუმის 1954 წლის 29 მაისის დადგენილების შესრულების მდგომარეობა და მიიღონ ზომები ამ საქმეში გამოვლინებულ ნაკლოვანებათა აღმოსაფხვრელად.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებითი აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.

9. „საყოველთაო-სავალდებულო სწავლების კანონის გატარების მდგომარეობის შესახებ ახალქალაქის და წალენჯიხის რაიონებში“ საქართველოს სსრ უმაღლესი საბჭოს პრეზიდიუმის 1954 წლის 20 ოქტომბრის დადგენილების შესრულების მიმდინარეობის შესახებ ადიგენის, ასპინძის, ახალქალაქის, ზუგდიდის, თერჯოლის, ორჯონიკიძის და წულუკიძის რაიონებში

საქართველოს სსრ უმაღლესი საბჭოს პრეზიდიუმი აღნიშნავს, რომ „საყოველთაო-სავალდებულო სწავლების კანონის გატარების მდგომარეობის შესახებ ახალქალაქის და წალენჯიხის რაიონებში“ საქართველოს სსრ უმაღლესი საბჭოს პრეზიდიუმის 1954 წლის 20 ოქტომბრის დადგენილების შესასრულებლად ადიგენის, ასპინძის, ახალქალაქის, ზუგდიდის, თერჯოლის, ორჯონიკიძის და წულუკიძის რაიონების მშრომელთა დეპუტატების საბჭოების აღმასკომებს ჩატარებული აქვთ გარკვეული მუშაობა, შემოწმებული და განხილული აქვთ აღმასკომების სხდომებზე და საბჭოების სესიებზე საყოველთაო-სავალდებულო სწავლების კანონის გატარების საკითხი და დასახული აქვთ სათანადო ღონისძიებები გამოვლინებულ ნაკლოვანებათა აღმოსაფხვრელად.

მიუხედავად ამისა შემოწმებული რაიონების საბჭოების აღმასკომებს და სახალხო განათლების ადგილობრივ ორგანოებს ამ საქმეში ჯერ კიდევ გააჩნიათ მნიშვნელოვანი ნაკლოვანებები. ასე, მაგალითად: ადიგენის რაიონის სკოლებიდან 1955—56 სასწავლო წელს გასულია 328 მოსწავლე, მათ შორის დისციპლინის დარღვევისა და გაკვეთილებზე სისტემატური დაუსწრებლობის გამო გარიცხულია 20 მოსწავლე.

ახალქალაქის რაიონის სკოლებში, გასულ წელს, სწავლებაში ჩაბმული



არ იყო სასკოლო ასაკის 85 ბავშვი, ამავე რაიონის ვაჩიანის საშუალო სკოლას ჩამოშორდა—20 მოსწავლე, ხოლო დილისკის საშუალო სკოლის პირველ კლასს—11 მოსწავლე. თერჯოლის რაიონის სკოლებს სხვადასხვა მიზეზებით ჩამოშორდა—34 ბავშვი, ხოლო წულუკიძის რაიონის სკოლებს 21.

ასევე დადგენილია, რომ ამ რაიონების ზოგიერთი სკოლა მიმდინარე სასწავლო წელს სათანადოდ მომზადებული ვერ შეხვდა. ადიგენის, თერჯოლის, ახალქალაქის, ორჯონიკიძის და წულუკიძის რაიონების მთელი რიგი სკოლების მიერ არ იყო ჩატარებული სკოლის ასაკის ბავშვთა ზუსტი აღრიცხვა, რის შედეგადაც წულუკიძის რაიონის სკოლებში არ იყო ჩაბმული—16 ბავშვი, თერჯოლის რაიონში—30 და ორჯონიკიძის რაიონში—22.

ზუგდიდის რაიონის სოფ. ჩხორის, ადიგენის რაიონის სოფ. ვარხნის და სხვა რაიონების სკოლების პირველი კლასის მოსწავლეების პირადი საქმეები არ არის მოგვარებული, ახლად ჩარიცხულ მოსწავლეებს არა აქვთ წარმოდგენილი დაბადების მოწმობები.

საყოველთაო-სავალდებულო სწავლების კანონის გატარების საქმეში არსებული ნაკლოვანებები გამოწვეულია იმით, რომ შემოწმებული მშრომელთა დეპუტატების რაიონული და სასოფლო საბჭოების აღმასკომები, საბჭოების დეპუტატები, სახალხო განათლების მუდმივი კომისიები და სახალხო განათლების ადგილობრივი ორგანოები ჯეროვან ყურადღებას არ უთმობენ საყოველთაო-სავალდებულო სწავლების კანონის ცხოვრებაში განუხრელად გატარებას, საკმაოდ არ ხელმძღვანელობენ სკოლებს და კონტროლს არ უწევენ ამ საკითხზე მიღებულ გადაწყვეტილებათა შესრულებას.

საქართველოს სსრ უმაღლესი საბჭოს პრეზიდიუმი ადგენს:

1. დაევალოს ადიგენის, ასპინძის, ახალქალაქის, ზუგდიდის, თერჯოლის, ორჯონიკიძისა და წულუკიძის რაიონების მშრომელთა დეპუტატების საბჭოების აღმასკომებს განუხრელად იხელმძღვანელონ საყოველთაო-სავალდებულო სწავლების კანონით და უზრუნველყონ საქართველოს სსრ უმაღლესი საბჭოს პრეზიდიუმის 1954 წლის 20 ოქტომბრის დადგენილების შესრულება საყოველთაო-სავალდებულო სწავლების კანონის გატარების საკითხზე, რისთვისაც:

ა) პერიოდულად შეამოწმონ საყოველთაო-სავალდებულო სწავლების კანონის გატარების საკითხი და შემოწმების შედეგები მოისმინონ საბჭოების სესიებზე და აღმასკომების სხდომებზე, მიიღონ გადაწყვეტილი ზომები ამ საქმეში გამოვლინებულ ნაკლოვანებათა გამოსასწორებლად;

ბ) გააძლიერონ ახსნა-განმარტებითი მუშაობა მოსახლეობაში, ფართოდ გამოიყენონ ამ საქმეში საბჭოების დეპუტატები, სახალხო განათლების მუდმივი კომისიები და მოსახლეობის აქტივი;

გ) გააუმჯობესონ სახალხო განათლების ადგილობრივი ორგანოების მუშაობა იმგვარად, რომ უზრუნველყოფილ იქნას სასკოლო ასაკის ყველა ბავშვის ზუსტი აღრიცხვა და სკოლაში ჩაბმა, აგრეთვე სკოლიდან ჩამოშორებული ბავშვების ხელახლად სწავლებაში ჩაბმა;

დ) მიიღონ კანონით გათვალისწინებული ზომები იმ პირთა მიმართ, რომლებსაც არასაპატიო მიზეზით გამოყავთ ბავშვები სკოლიდან და ხელს უშლიან საყოველთაო-სავალდებულო სწავლების კანონის განხორციელებას;

ე) დაავალონ მოქალაქეობრივი მდგომარეობის აქტების ჩამწერ ორგანოებს, რომ მათ დროულად გასცენ სკოლაში მისაღებ ბავშვების დაბადების მოწმობები.



2. დაევალოს საქართველოს სსრ განათლების სამინისტროს (ამხ. გ. ნ. ჯიბლაძე) გააძლიეროს კონტროლი საყოველთაო-სავალდებულო სწავლების კანონის განხორციელებაზე; სისტემატურად შეამოწმოს ცალკეულ რაიონებში ამ კანონის გატარების მდგომარეობა და მიიღოს ზომები საყოველთაო-სავალდებულო სწავლებაში სკოლის ასაკის ყველა ბავშვის ჩასაბმელად.

3. ერჩიით აფხაზეთის და აჭარის ასრ უმაღლესი საბჭოების პრეზიდიუმებს, სამხრეთ-ოსეთის ავტონომიური ოლქის, რაიონების და ქალაქების მშრომელთა დეპუტატების საბჭოების აღმასკომებს შეამოწმონ საქართველოს სსრ უმაღლესი საბჭოს პრეზიდიუმის 1954 წლის 20 ოქტომბრის დადგენილება საყოველთაო-სავალდებულო სწავლების კანონის გატარების მდგომარეობის შესახებ და დასახონ ღონისძიებანი გამოვლინებულ ნაკლოვანებათა აღმოსაფხვრელად.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.

10. ბრძანებულება საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებების დაწესების შესახებ

პროფესიულ-ტექნიკური განათლების დარგში თვალსაჩინო დამსახურებისათვის დაწესდეს საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებები საწარმოო სწავლების ოსტატთა, შრომითი რეზერვების მასწავლებლებისა და სკოლების მასწავლებელთა და საქართველოს შრომითი რეზერვების რესპუბლიკური სამმართველოს ინსპექტორებისათვის.

დამტკიცდეს დებულება საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებათა შესახებ.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.



დამტკიცებულია საქართველოს სსრ
 უმაღლესი საბჭოს პრეზიდიუმის 1956
 წლის 26 სექტემბრის ბრძანებულებით.

დ ე ბ უ ლ ე ბ ა

საქართველოს სსრ პროფესიულ-ტექნიკური განათლების დამსახურებულ ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებათა შესახებ

საქართველოს სსრ პროფესიულ-ტექნიკური განათლების დამსახურებული ოსტატის წოდება მიენიჭებათ სახელოსნო, რკინიგზის, სამთოსამრეწველო, სამხატვრო-სახელოსნო, სამთოტექნიკურ, ტექნიკურ, სპეციალურ სახელოსნო (სოფლის მეურნეობის) სასწავლებლების, სოფლის მეურნეობის მექანიზაციის სახელოსნო სასწავლებლების, სოფლის მეურნეობის მექანიზაციის სასწავლებლების, საფაბრიკო-საქარხნო სწავლების სკოლების, სამთოსამრეწველო, სამშენებლო, სამთო მექანიზაციის სკოლების საწარმოო სწავლების ოსტატებს, საქართველოს შრომითი რეზერვების რესპუბლიკური სამმართველოს ინსპექტორებს, რომლებსაც (როგორც წესი), აქვთ საშუალო სპეციალური ან უმაღლესი განათლება, უმუშავიათ პროფესიულ-ტექნიკური განათლების სასწავლო დაწესებულებებში არა ნაკლებ 10 წლისა და განსაკუთრებით გამოირჩევიან აღმზრდელობითი-პედაგოგიური მოღვაწეობით, თვალსაჩინო წარმატებითი მაჩვენებლებით ახალგაზრდობის კომუნისტურად აღზრდისა და პროფესიული სწავლების საქმეში, საზოგადოებრივ ცხოვრებაში აქტიური მონაწილეობით.

საქართველოს სსრ პროფესიულ-ტექნიკური განათლების დამსახურებული მასწავლებლის წოდება მიენიჭებათ რკინიგზელთა სახელოსნო, სამთოსამრეწველო, სამხატვრო-სახელოსნო, სამთოტექნიკურ, ტექნიკურ, სპეციალურ სახელოსნო (სოფლის მეურნეობის) სასწავლებლების, სოფლის მეურნეობის მექანიზაციის სახელოსნო სასწავლებლების, სოფლის მეურნეობის მექანიზაციის სასწავლებლების, საფაბრიკო-საქარხნო სწავლების სკოლების, სამთოსამრეწველო, სამშენებლო, სამთომექანიზაციის სკოლების მასწავლებლებს, საქართველოს შრომითი რეზერვების რესპუბლიკური სამმართველოს ინსპექტორებს, რომლებსაც აქვთ უმაღლესი განათლება, პროფესიულ-ტექნიკური განათლების დარგში უმუშავიათ განუწყვეტლივ არანაკლებ 10 წლისა და განსაკუთრებით გამოირჩევიან აღმზრდელობითი პედაგოგიური მოღვაწეობით, თვალსაჩინო წარმატებითი მაჩვენებლებით ახალგაზრდობის კომუნისტურად აღზრდისა და სწავლების საქმეში და საზოგადოებრივ ცხოვრებაში აქტიური მონაწილეობით.

საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებებს ანიჭებს საქართველოს



სსრ უმაღლესი საბჭოს პრეზიდიუმში საქართველოს შრომითი რეზერვების რესპუბლიკური სამმართველოს წარდგენით.

შუამდგომლობის აღძვრა საქართველოს სსრ პროფესიულ-ტექნიკურ განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებების მინიჭების შესახებ შეუძლიათ მშრომელთა დეპუტატების საბჭოების საქალაქო, რაიონულ აღმასრულებელ კომიტეტებს, პარტიულ, პროფკავშირულ და სხვა საზოგადოებრივ ორგანიზაციებს უშუალოდ საქართველოს შრომითი რეზერვების რესპუბლიკური სამმართველოს წინაშე, ავტონომიურ რესპუბლიკებსა და ოლქებში კი — ასსრ მინისტრთა საბჭოსა და მშრომელთა დეპუტატების საოლქო საბჭოს აღმასრულებელი კომიტეტის წინაშე.

ავტონომიური საბჭოთა. სოციალისტური რესპუბლიკების მინისტრთა საბჭოები და მშრომელთა დეპუტატების საოლქო საბჭოს აღმასრულებელი კომიტეტი განიხილავს რა შუამდგომლობას, თავის გადაწყვეტილებას საპატიო წოდებებზე წარდგენის შესახებ ყველა საბუთთან ერთად, აგრეთვე საქალაქო, რაიონული, საოლქო ან რესპუბლიკური კომიტეტის შესაბამისი პროფკავშირის დასკვნით უგზავნის საქართველოს შრომითი რეზერვების რესპუბლიკურ სამმართველოს.

საპატიო წოდებების მისანიჭებლად შუამდგომლობას თან უნდა ერთოდეს: ვრცელი საწარმოო დახასიათება წარსადგენ კანდიდატზე, რომელშიც აღნიშნული უნდა იყოს მისი საწარმოო, პედაგოგიური და საზოგადოებრივი მოღვაწეობის ძირითადი მომენტები და დამსახურება პროფესიულ-ტექნიკური განათლების დარგში, ავტობიოგრაფია, კადრების აღრიცხვის პირადი ფურცელი და ფოტოსურათი.

საპატიო წოდების მისანიჭებელ წარდგინებაში, რომლითაც საქართველოს შრომითი რეზერვების რესპუბლიკური სამმართველო შედის საქართველოს სსრ უმაღლესი საბჭოს პრეზიდიუმში, უნდა იყოს ნაჩვენები მოკლე ბიოგრაფიული ცნობები წარსადგენ კანდიდატზე, ძირითადი მომენტები მისი საწარმოო, პედაგოგიური, საზოგადოებრივი მოღვაწეობისა და დამსახურება ახალგაზრდობის კომუნისტურად აღზრდისა და პროფესიული სწავლების საქმეში. წარდგინებას ხელს უნდა აწერდეს საქართველოს შრომითი რეზერვების რესპუბლიკური სამმართველოს უფროსი.

საქართველოს შრომითი რეზერვების რესპუბლიკური სამმართველოს წარდგინებას თან უნდა ერთოდეს წარსადგენი კანდიდატის პირადი საქმე, პირად საქმეში უნდა იყოს შემდეგი საბუთები: რაიონული, საქალაქო, საოლქო საბჭოს აღმასკომის გადაწყვეტილება, ან ასსრ მინისტრთა საბჭოს დადგენილება, საწარმოო დახასიათება, ავტობიოგრაფია, კადრების აღრიცხვის პირადი ფურცელი, ფოტოსურათი და შესაბამისი პროფკავშირის რესპუბლიკური კომიტეტის დასკვნა.

იმ პირებს, რომლებსაც მიენიჭებათ საქართველოს სსრ საპატიო წოდებები, ჩაბარდებათ საქართველოს სსრ უმაღლესი საბჭოს პრეზიდიუმის სიგელი.

საქართველოს სსრ უმაღლესი საბჭოს პრეზიდიუმის საპატიო წოდების ჩამორთმევა შეუძლია მხოლოდ საქართველოს სსრ უმაღლესი საბჭოს პრეზიდიუმს.

11. დასახლებული პუნქტების ქალაქის დასახლებად გარდაქმნის წესის შესახებ

საქართველოს სსრ უმაღლესი საბჭოს პრეზიდიუმი ადგენს:

დამტკიცდეს დასახლებული პუნქტების ქალაქის დასახლებად გარდაქმნის შემდეგი ძირითადი დებულება:

1. საქართველოს სსრ რესპუბლიკის ყველა დასახლებული პუნქტი იყოფა ქალაქისა და სოფლის დასახლებად.

2. ქალაქის დასახლებანი იყოფა ორ კატეგორიად: ქალაქები და ქალაქის ტიპის (მუშათა) დასახლებანი.

3. ქალაქს მიეკუთვნება დასახლებული პუნქტი, რომელიც წარმოადგენს კულტურულ და სამრეწველო ცენტრს, სადაც სულ ცოტა 5 ათასი მცხოვრებია, თუ ამ მოსახლეობაში მუშები, მოსამსახურეები და მათი ოჯახის წევრები შეადგენენ სულ ცოტა 75 პროცენტს.

გარდა აღნიშნული მაჩვენებლებისა, მხედველობაში უნდა იყოს, მიღებული აგრეთვე დასახლებული პუნქტის ადმინისტრაციულ-ეკონომიური მნიშვნელობა, მისი კეთილმოწყობა, კომუნალური მეურნეობა და მთლიანი განაშენიანება ქალაქის ფარგალში.

4. ქალაქის ტიპის (მუშათა) დასახლებას მიეკუთვნება არსებული, ან მსხვილ ქარხანასთან, ფაბრიკასთან, შახტთან, ელექტროსადგურთან, დიდ ჰიდროტექნიკურ მშენებლობასთან და სხვა ეკონომიურად მნიშვნელოვან ობიექტთან ახლად შექმნილი პუნქტი, სადაც გარდაქმნის მომენტისათვის სულ ცოტა 2 ათასი მცხოვრებია, თუ მოსახლეობაში მუშები, მოსამსახურეები და მათი ოჯახის წევრები შეადგენენ სულ ცოტა 75 პროცენტს.

ქალაქის ტიპის დასახლებას შეიძლება მიეკუთვნოს აგრეთვე საკურორტო დასახლება, სადაც სულ ცოტა 2 ათასი მცხოვრებია, თუ ამ დასახლებაში სამკურნალოდ და დასასვენებლად ყოველწლიურად ჩამოსულთა რიცხვი მუდმივი მოსახლეობის 50 პროცენტზე ნაკლები არ არის და მოსახლეობიდან სოფლის მეურნეობაში ჩაბმულია არა უმეტეს 60 პროცენტისა.

ცალკეულ შემთხვევებში ქალაქის ტიპის (მუშათა) დასახლებას შეიძლება მიეკუთვნოს დასახლებული პუნქტი ნაკლები მოსახლეობითაც. თუ ის შექმნილია განსაკუთრებული მნიშვნელობის მშენებლობასთან, აგრეთვე იმ შემთხვევაში, თუ დასახლებული პუნქტი კეთილმოწყობილია ქალაქის მიხედვით და ის თავის გარშემო მყოფი მოსახლეობისათვის წარმოადგენს კულტურული და ეკონომიური მიზიდულობის ცენტრს.

5. ქალაქი, რომელშიც 40 ათასზე მეტი მცხოვრებია, აქვს დიდი სამრეწველო მნიშვნელობა და წარმოადგენს კულტურულ-პოლიტიკურ ცენტრს, გამოიყოფა დამოუკიდებელ ადმინისტრაციულ-სამეურნეო ერთეულად და უშუალოდ დაექვემდებარება რესპუბლიკურ ორგანოებს.

ცალკეულ შემთხვევებში უმაღლესი საბჭოს პრეზიდიუმს შეუძლია გამოყოს დამოუკიდებელ ადმინისტრაციულ სამეურნეო ერთეულად ქალაქი 40 ათასზე ნაკლები მოსახლეობითაც თუ მას აქვს სამრეწველო და დიდი კულტურულ-პოლიტიკური მნიშვნელობა და გააჩნია ეკონომიური განვითარებისა და მოსახლეობის ზრდის უახლოესი პერსპექტივა.

6. დასახლებული პუნქტები, რომელთაც არა აქვთ ქალაქის დასახლების აღნიშნული მაჩვენებლები (სოფელი, სააგარაკო ადგილები, კოლმეურნეო-



ბისა და საბჭოთა მეურნეობის დასახლებანი), ეკუთვნიან სოფლის დასახლებათა კატეგორიას და მათში სახელმწიფო ხელისუფლების ორგანოებად აირჩევიან მშრომელთა დეპუტატების სასოფლო საბჭოები.

7. მშრომელთა დეპუტატების რაიონული და საქალაქო საბჭოების აღმასრულებელი კომიტეტები საკითხს დასახლებული პუნქტების ქალაქის ტიპის დასახლებად გარდაქმნის შესახებ აყენებენ საქართველოს სსრ მინისტრთა საბჭოს წინაშე და საქართველოს სსრ უმაღლესი საბჭოს პრეზიდიუმი განიხილავს ამ საკითხებს, თუ თვითეულ ცალკე შემთხვევაში არსებობს საქართველოს სსრ მინისტრთა საბჭოს დასკვნა.

8. ამ დადგენილების მიღების შემდეგ ძალადაკარგულად ჩაითვალოს სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1924 წლის 12 აგვისტოს დადგენილება „დასახლებული ადგილების ქალაქად გამოცხადების წესის შესახებ“.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი — ნ. ჯავახიშვილი.

ქ. თბილისი.
1956 წ. 26 სექტემბერი.

12. საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოების მუდმივი კომისიების დებულების შესახებ

საქართველოს სსრ უმაღლესი საბჭოს პრეზიდიუმი ადგენს:

1. დამტკიცდეს საქართველოს სსრ უმაღლესი საბჭოს პრეზიდიუმის საორგანიზაციო-საინსტრუქტორო განყოფილების მიერ წარმოდგენილი საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოების მუდმივი კომისიების დებულება.

2. ძალადაკარგულად ჩაითვალოს საქართველოს სსრ უმაღლესი საბჭოს პრეზიდიუმის 1948 წლის 11 ივნისის დადგენილებით დამტკიცებული მშრომელთა დეპუტატების საბჭოების მუდმივი კომისიების დებულება.

3. გამოიცეს საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოების მუდმივი კომისიების დებულება შემდეგი ტირაჟით:

ქართულ ენაზე	20.000 ეგზ.
რუსულ ენაზე	6.000 „
სომხურ ენაზე	3.000 „
აზერბაიჯანულ ენაზე	2.000 „

4. დაევალოს საქართველოს სსრ კულტურის სამინისტროს პოლიგრაფიული მრეწველობის, გამომცემლობებისა და წიგნის ვაჭრობის მთავარ სამმართველოს უფროსს ანხ. ბ. გ. ნანიტაშვილს უზრუნველყოს საქართველოს

სსრ ნაშრომელთა დეპუტატების საოლქო, რაიონული, საქალაქო, სასოფლო
და საღებავო საბჭოების მუდმივი კომისიების დებულების განაცხადი ერთი
თვის ვადაში.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.

6992



დ ე ბ უ ღ ე ბ ე

საქართველოს სსრ მზრომედთა დეპუტატების საოლქო,
რაიონური, საქადაქო, სასოფლო და სადაბო საბჭოე-
ბის მუდმივი კომისიების შესახებ

(დამტკიცებულია საქართველოს სსრ უმაღლესი საბჭოს კრებილი-
უმის 1956 წლის 26 სემტემბრის ბრძანებულებით)

ზოგადი დებულებანი

1. მშრომელთა დეპუტატების ადგილობრივი საბჭოები ქმნიან მუდმივ კომისიებს, რომლებიც თივლებიან მშრომელთა დეპუტატების საბჭოების ორგანობად.

2. მუდმივი კომისიები იქმნება იმ მიზნით, რომ განამტკიცონ მოსახლეობის კავშირი ზელისუფლების ადგილობრივ ორგანოებთან, ხელი შეუწყონ სახალხო მეურნეობის გეგმების შესრულებას, მშრომელთა მატერიალურ-კულტურულ დონის ამაღლებას, სახელმწიფო წესრიგის დაცვას, საბჭოთა სახელმწიფო ძლიერების ზრდას, კანონების შესრულებას და მოქალაქეთა უფლებების დაცვას.

3. მშრომელთა დეპუტატების თვითეული საოლქო, რაიონული, საქალაქო, სასოფლო და სადაბო საბჭო, ადგილობრივი პირობებისა და რეალური საჭიროების მიხედვით, ჩვეულებრივ, ჰქმნის შემდეგ მუდმივ კომისიებს: საბიუჯეტო, სოფლის მეურნეობის, სახალხო განათლების, ჯანმრთელობის დაცვის, კულტურულ-საგანმანათლებლო, საგზაო მშენებლობის, კეთილმოწყობის, ადგილობრივი მრეწველობის, ვაჭრობის, კომუნალური მეურნეობის, გამწვანებატყის გაშენებისა და სხვა. რიცხვი მუდმივი კომისიებისა სხვადასხვაა, იმის მიხედვით თუ როგორია საბჭოს დეპუტატთა რიცხვი და სახალხო მეურნეობის დარგობრივი მოთხოვნები. დიდ სასოფლო საბჭოში, სადაც სოფლის მეურნეობის ცალკეული დარგები წამყვანია, შეიძლება შეიქმნას ცალკე კომისიები მესაქონლეობისა, ტექნიკური კულტურებისა, ელექტროფიკაციისა და სხვა. ასევე დიდ ქალაქებში. კომუნალური მეურნეობის კომისიის ნაკვალად შეიძლება შეიქმნას კომისიები: კომუნალური მეურნეობისა, კეთილმოწყობისა, საბინაო მშენებლობისა, საგზაო მშენებლობისა, ადგილობრივი ტრანსპორტისა. მცირე სასოფლო საბჭოში იქმნება სამი-ოთხი მუდმივი კომისია, რომლებშიც შეიძლება გაერთიანდეს სახალხო მეურნეობის ორი ან მეტი ერთგვაროვანი დარგი.

4. მუდმივი კომისიების არჩევა ხდება მშრომელთა დეპუტატების შესაბამისი საბჭოს სესიაზე საბჭოს დეპუტატთა რიცხვიდან და მათი უფლებამოსილება განისაზღვრება საბჭოს უფლებამოსილების ვადით.

მუდმივ კომისიებში არ შეიძლება არჩეულ იქნან მოცემული საბჭოს აღმასკომის თავმჯდომარე, თავმჯდომარის მოადგილე და მდივანი. საბჭოს დეპუტატი, რომელიც აღმასრულებელი კომიტეტის განყოფილების გამგეა, შეიძლება არჩეულ იქნას იმ მუდმივი კომისიის წევრად, რომლის მუშაობა დაკავშირებული არ არის მისი განყოფილების მუშაობასთან.

მუდმივი კომისია პირველ სხდომაზე თავის წევრთა რიცხვიდან ირჩევს კომისიის თავმჯდომარეს და მდივანს.

5. მუდმივი კომისიის თავმჯდომარედ ან მდივანად არ შეიძლება არჩეული იყოს შესაბამისი საბჭოს აღმასკომის წევრი ან აღმასკომის განყოფილების გამგე.

6. მუდმივი კომისიები, გარდა თავიანთი წევრებისა, მუშაობაში აბამენ ადგილობრივ აქტივს მუშებიდან, კოლმეურნეებიდან, მოსამსახურეებიდან, ინტელიგენციიდან და დიასახლისებიდან.



7. ცვლილება მუდმივი კომისიის შემადგენლობაში: რომელიმე დეპუტატის კომისიიდან გამოყვანა, კომისიის შემადგენლობის ახალი წევრებით შევსება, ორი კომისიის გაერთიანება და სხვა. ხდება მშრომელთა დეპუტატების იმ საბჭოს სესიაზე, რომელმაც ის აირჩია.

8. მუდმივი კომისია ანგარიშვალდებულია მხოლოდ იმ საბჭოს წინაშე, რომელმაც ის აირჩია; იგი ანგარიშვალდებული არ არის არც საბჭოს აღმასრულებელი კომიტეტის და არც ზემდგომი საბჭოს სათანადო მუდმივი კომისიის წინაშე. მუდმივი კომისიების მუშაობას ხელმძღვანელობს საბჭო, ხოლო სესიიდან სესიამდე მუდმივი კომისიების მუშაობას წარმოათავს და მუშაობაში ხელს უწყობს საბჭოს აღმასრულებელი კომიტეტი.

9. მუდმივი კომისიის სხდომებს იწვევს კომისიის თავმჯდომარე საქიროების მიხედვით, მაგრამ არანაკლებ, ვიდრე ორ თვეში ერთხელ.

კომისიის სხდომა კანონიერია, თუ მას ესწრება კომისიის შემადგენლობის ნახევარზე მეტი. კომისიებში ჩაბმული აქტივი სარგებლობს სათათბირო ხმის უფლებით.

10. მუდმივი კომისიის თავმჯდომარე ხელმძღვანელობს და წარმოათავს კომისიის მუშაობას, ამოწმებს კომისიის სამუშაო გეგმის შესრულებას, საქიროების მიხედვით უკავშირდება კომისიის სახელით სახელმწიფო და საზოგადოებრივ ორგანიზაციებს, ამყარებს მუდმივ კავშირს საბჭოსთან და მის აღმასრულებელ კომიტეტთან.

11. მშრომელთა დეპუტატების საბჭოს აღმასრულებელი კომიტეტი:

ა) აცნობს მუდმივ კომისიებს ზემდგომი საბჭოთა ორგანოების დირექტივებს და განკარგულებებს, აგრეთვე იმ დადგენილებებს, რომლებსაც კავშირი აქვთ კომისიის მუშაობასთან;

ბ) აღმასკომის სამუშაო გეგმის განხილვის დროს იწვევს მუდმივი კომისიების თავმჯდომარეებს;

გ) იწვევს აღმასკომის სხდომაზე იმ მუდმივი კომისიის თავმჯდომარეს, რომლის გამგებლობაშიც შედის სხდომაზე განსახილველი საკითხი;

დ) ყოველმხრივ ეხმარება მუდმივ კომისიებს მათს მუშაობაში; რჩევას ძლევს მუდმივი კომისიების სამუშაო გეგმების შედგენაში და ხელს უწყობს ზემდგომი ორგანოების დადგენილებათა შესრულების შემოწმებას საწარმოებში, დაწესებულებებში, კოლმეურნეობებში და სხვა ორგანიზაციებში;

ე) განიხილავს აღმასკომის სხდომაზე მუდმივი კომისიების მიერ შემოტანილ საკითხებს;

ვ) რეგულარულად იწვევს მუდმივი კომისიების თავმჯდომარეებისა და აღმასრულებელი კომიტეტის განყოფილებათა გამგეების (სამმართველოთა უფროსების) სათბიროებს გამოცდილების გასაზიარებლად და სხვ;

ზ) მიუჩენს მუდმივ კომისიებს სამუშაო ადგილს, უზრუნველყოფს მათს ტექნიკურ მომსახურებას (ქალაქი, საკანცელარიო ნივთები) და მათი საქმისწარმოებისა და ლოკუმენტაციის შენახვას.

მუდმივი კომისიების უფლებები

12. მუდმივი კომისიები მუშაობას აწარმოებენ როგორც საბჭოს დავალებით, ისე თავიანთი ინიციატივით.

13. მუდმივ კომისიებს არა აქვთ ადმინისტრაციული და განმკარგულებელი უფლებები და უფლება არა აქვთ მიიღონ დამავალდებულებელი გადა-



წყვეტილებანი. თავიანთი წინადადებები და დასკვნები მათ შეაქვთ საბჭოს ან მისი აღმასრულებელი კომიტეტის განსახილველად.

14. მუდმივ კომისიებს უფლება აქვთ:

ა) გაეცნონ მშრომელთა დეპუტატების საბჭოს აღმასკომში სახელმწიფო ხელისუფლებისა და სახელმწიფო მმართველობის ზემდგომი ორგანოების დირექტივებს და განკარგულებებს, გაეცნონ აგრეთვე აღმასრულებელი კომიტეტის გადაწყვეტილებებსა და განკარგულებებს იმ საკითხებზე, რომლებიც მუდმივი კომისიების გამგებლობას განეკუთვნება;

ბ) მონაწილეობა მიიღონ სათათბირო ხმით აღმასრულებელი კომიტეტის სხდომაზე მათი სამუშაო გეგმის და მათ მიერ შეტანილი ან მათს გამგებლობაში შემავალი საკითხის განხილვის დროს;

გ) მიიღონ მშრომელთა დეპუტატების საბჭოს აღმასკომისაგან აღმასკომის სამუშაო გეგმა;

დ) შეამოწმონ აღმასკომის შესაბამისი სამმართველოების ან განყოფილებების, აგრეთვე საბჭოს ტერიტორიაზე არსებული დაწესებულებების, ორგანიზაციებისა და საწარმოების მუშაობა;

ე) გაეცნონ დაწესებულებების, საწარმოებისა და ორგანიზაციების ხელმძღვანელთა ინსტრუქციებსა და ბრძანებებს, აგრეთვე სხვა დოკუმენტებსა და მასალებს, რომლებიც კომისიებს სჭირდებათ მშრომელთა დეპუტატების საბჭოს დავალებების შესასრულებლად;

ვ) მოსთხოვონ დაწესებულებების, ორგანიზაციებისა და საწარმოების ხელმძღვანელებს მასალები და ცნობები, რომლებიც საჭიროა კომისიების მუშაობისათვის; მოსთხოვონ აგრეთვე ახსნა-განმარტება მშრომელთა დეპუტატების საბჭოს ამა თუ იმ გადაწყვეტილების შეუსრულებლობის მიზეზის შესახებ;

ზ) მოიწვიონ კომისიის სხდომაზე აღმასკომის სამმართველოებისა და განყოფილებების უფროსები და სხვა დაწესებულებების, ორგანიზაციებისა და საწარმოების ხელმძღვანელები მათს გამგებლობაში შემავალი საკითხების განხილვაში მონაწილეობის მისაღებად;

თ) მოიწვიონ სპეციალისტები იმ საკითხებზე კონსულტაციისათვის, რომლებიც კომისიის კომპეტენციას შეადგენენ.

15. მუდმივი კომისიები ადგენენ სხდომის ოქმებს, რომლებსაც ხელს აწერენ თავმჯდომარე და მდივანი.

16. მუდმივი კომისიის საქმისწარმოება ინახება მშრომელთა დეპუტატების საბჭოს აღმასკომში.

17. მუდმივი კომისიის თავმჯდომარე:

ა) ხელმძღვანელობს კომისიის მუშაობას;

ბ) რეგულარულად იწვევს კომისიის სხდომებს;

გ) ამოწმებს კომისიის სამუშაო გეგმისა და კომისიის დადგენილებების შესრულებას;

დ) ამყარებს მუდმივ საქმიან კავშირს მშრომელთა დეპუტატების საბჭოს აღმასკომთან;

ე) ამზადებს საკითხებს და მასალებს აღმასკომისა და კომისიის სხდომისათვის, აგრეთვე მშრომელთა დეპუტატების საბჭოს სესიისათვის;

ვ) რეგულარულად აბარებს ანგარიშს კომისიის მუშაობის შესახებ მშრომელთა დეპუტატების საბჭოს (სესიას).



18. მუდმივი კომისიის მდივანს, გარდა საქმისწარმოებისა და ოქმები გაფორმებისა, ევალება კომისიის წევრებისა და კომისიაში ჩაბმული აქტივის აღრიცხვა და თვალყურის დევნება, რომ ისინი სისტემატურად ესწრებოდნენ კომისიის სხდომებს და ასრულებდნენ კომისიის დავალებებს.

მუდმივი კომისიების ძირითადი ამოცანები

19. მუდმივი კომისიები აქტიურად მონაწილეობენ მშრომელთა დეპუტატების საბჭოს პრაქტიკულ საქმიანობაში და ეხმარებიან საბჭოს მისი საქმიანობის ყველა დარგში.

20. მუდმივი კომისიები მუშაობას აწარმოებენ თავიანთი კალენდარული სამუშაო გეგმის მიხედვით, რომელიც დგება საბჭოს აღმასკომის სამუშაო გეგმის შესაბამისად.

სამუშაო გეგმას კომისია იხილავს და ამტკიცებს თავის სხდომაზე და აცნობს საბჭოს აღმასკომს.

21. მუდმივი კომისიები:

ა) ფართოდ აცნობენ მშრომელ მასებს პარტიისა და მთავრობის დადგენილებებს, აგრეთვე მშრომელთა დეპუტატების საბჭოს აღმასკომის გადაწყვეტილებებს და ყოველმხრივ ხელს უწყობენ მათი ცხოვრებაში გატარებას;

ბ) ხელს უწყობენ მასებთან პოლიტიკურ-აღმზრდელობითი მუშაობის გაძლიერებას, ჩათი იდეურ-პოლიტიკური დონის ამაღლებას და ებრძვიან ჩამორჩენილობას, გამოძალადელობას, პირადი ინტერესების საზოგადო ინტერესებზე მაღლა დაყენებას და სხვ.;

გ) ამოწმებენ შესაბამისი საბჭოს აღმასკომის სამმართველოებისა და განყოფილებების, აგრეთვე საწარმოების, კოლმეურნეობების, საბჭოთა მეურნეობების, მანქანა-ტრაქტორთა სადგურების, სარეწაო კოოპერაციის არტელებისა და სხვა ორგანიზაციებისა და დაწესებულებების მუშაობას მათს ოპერატიულ საქმიანობაში ჩაურევლად, და შემოწმების შედეგებს იხილვენ კომისიის სხდომაზე;

დ) იხილვენ თავიანთ სხდომებზე ცალკეულ წინადადებებს, შემოტანილ კომისიის წევრების ან აქტივის მიერ ან ორგანიზაციის თუ დაწესებულების მიერ შემოტანილ ცალკეულ წინადადებებს, აყენებენ საბჭოს სესიის ან აღმასკომის წინაშე საკითხებს, რომელთა მიზანია მუშაობის ამა თუ იმ უბნის გაუმჯობესება.

ე) ამუშავებენ და იძლევიან თავიანთ დასკვნას აღმასკომის მიერ საბჭოს სესიისათვის წარსადგენი წინადადებების შესახებ და საჭირო შემთხვევაში ამოპოვნენ ამ საკითხზე თავიანთ თანამომხსენებელს;

ვ) ამოწმებენ აღმასკომის შესაბამის სამმართველოებში ან განყოფილებებში მშრომელთა განცხადებებისა და საჩივრების განხილვის მდგომარეობას და შეაქვთ აღმასკომში თავიანთი წინადადებანი ამ საქმის გასაუმჯობესებლად;

ზ) ყოველმხრივ ხელს უწყობენ ამომრჩეველთა განაწესების ცხოვრებაში გატარებას.

ცალკეული მუდმივი კომისიების ამოცანები

22. საბიუჯეტო კომისია: §

ა) განიხილავს შესაბამისი საბჭოს ბიუჯეტის პროექტს და შეაქვს თავის



ვისი წინადადებანი ბიუჯეტის პროექტში შესწორებათა შეტანის შესახებ ბიუჯეტის შედგენისა და შესრულების სხვა საკითხებზე;

ბ) ხელს უწყობს საბჭოს ბიუჯეტის შესრულებას, სახაგს ღონისძიებებს საფინანსო მუშაობის გასაუმჯობესებლად და გამოდის საბჭოს სესიაზე თანამოხსენებით ბიუჯეტის განხილვის დროს;

გ) ეწევა მასობრივ ახსნა-განმარტებითს მუშაობას და ეხმარება საბჭოს სასოფლო-სამეურნეო პროდუქტების დამზადების სახელმწიფო და ადგილობრივი გადასახადების და სახელმწიფო შემოსავლების წლიური და კვარტალური გეგმების შესრულებაში, თვითდაბეგვრის თანხების დროზე შეგროვებაში და მათი დანიშნულებითსამებრ გამოყენებაში;

დ) ამოწმებს კანონით დაწესებული შეღავათების სწორად შეფარდებას სახელმწიფო გადასახადებით დაბეგვრისას;

ე) ამოწმებს დაწესებულებების, ორგანიზაციებისა და საწარმოების მიერ საფინანსო დისციპლინის დაცვას, სახელმწიფო სახსრების დაზოგვით გამოყენებას და ხელს უწყობს ადმინისტრაციულ-სამმართველო ხარჯების შემცირებას;

ვ) ყოველმხრივ ხელს უწყობს საფინანსო ორგანოებს ხელფასის ფონდის სწორად ხარჯვაში და საშტატო დისციპლინის დაცვის შემოწმებაში;

ზ) თვალყურს ადევნებს, რათა სწორად დაენიშნოთ და მიეცეთ პენსიები პენსიონერებს და დახმარება მრავალშვილიან და მარტონელა დედებს; სწავლობს მათს საყოფაცხოვრებო მდგომარეობას და საჭირო შემთხვევაში შეაქვს თავისი წინადადებანი მშრომელთა დეპუტატების საბჭოში ან მის აღმასრულებელ კომიტეტში;

თ) ყოველმხრივ ხელს უწყობს შემნახველი სალაროების მუშაობას, მშრომელთა დანაზოგების შემნახველ სალაროებში მოზიდვას, სახელმწიფო სესხების გავრცელებას და ხელმოწერილი თანხების თავის დროზე შეგროვებას, ხელის მომწერთათვის სესხის ობლიგაციების დარიგებას;

ი) ხელს უწყობს სახელმწიფო დაზღვევის განვითარებას; ეხმარება საბჭოს დაზღვევის საქმის სწორად დაყენებაში და ზარალის ანაზღაურების სისწორეზე კონტროლის გაწევაში.

23. სოფლის მეურნეობის კომისია:

ა) ყოველი ღონისძიებით ეხმარება საბჭოს და მის აღმასკომს სოფლის მეურნეობის შემდგომი აღმავლობის, კოლმეურნეობების, საბჭოთა მეურნეობებისა და მანქანა-ტრაქტოროთა სადგურების საორგანიზაციო-სამეურნეო განმტკიცების, სასოფლო-სამეურნეო არტელის წესდების განუხრელად დაცვის, სასოფლო-სამეურნეო წარმოებაში აგრობიოლოგიური მეცნიერების მიღწევების დანერგვისა და სოფლის მეურნეობის მოწინავეთა და ნოვატოროთა გამოცდილების გავრცელების საქმეში;

ბ) ყოველმხრივ ეხმარება სოფლის მეურნეობის ორგანოებს მოსავლიანობის გადიდების გეგმების შესრულების საქმეში;

გ) ხელს უწყობს ღონისძიებათა განხორციელებას სოფლის მეურნეობის მექანიზაციისა და სოფლის ელექტროფიკაციის დარგში;

დ) ამუშავებს ღონისძიებებს სასოფლო-სამეურნეო სამუშაოთა ჩასატარებლად მთავრობის მიერ დაწესებული ვადებისა და აგროტექნიკური წესების დაცვით;

ე) ეხმარება კოლმეურნეობებს და საბჭოთა მეურნეობებს მცენარეთა



მავნებლებისა და ავადმყოფობის წინააღმდეგ ბრძოლის ღონისძიებათა განხორციელებაში;

ვ) ხელს უწყობს საზოგადოებრივი მეცხოველეობის განვითარების გეგმების შესრულებას, ეწევა ახსნა-განმარტებითს მუშაობას პირუტყვის საუკეთესოდ მოვლის, ნამატის შენარჩუნების, პროდუქტიულობის გადიდებისა და სხვა საკითხების შესახებ;

ზ) მონაწილეობს ეპიზოოტიის საწინააღმდეგო ღონისძიებათა გატარებაში; ხელს უწყობს საკარანტინო წესების დაცვას და ეხმარება ზოოვეტერსონალს პირუტყვის ავადმყოფობის წინააღმდეგ ბრძოლაში;

თ) ხელს უწყობს საძოვრების გაუმჯობესებას და მიზანშეწონილად გამოყენებას, იღებს ზომებს საკვები ბალახების, ძირხვეწებისა და სასილოსე კულტურების მოსავლიანობის გადიდებისათვის;

ი) თვალყურს ადევნებს ნათესებისა და მრავალწლიანი ნარგავების გაფუჭებისაგან დაცვას და ეხმარება კოლმეურნეობებსა და საბჭოთა მეურნეობებს ამ ღონისძიებათა გატარებაში. თვალყურს ადევნებს აგრეთვე ხანძრის საწინააღმდეგო ღონისძიებების დროზე გატარებას;

კ) ხელს უწყობს სარწყავი არხების სისტემის განვითარებას, წყლის მიზანშეწონილად გამოყენებას, ქაობების ამოშრობას, ახალი ფართობების ათვისებას;

ლ) ხელს უწყობს ტექნიკური კულტურების, მეაბრეშუმეობისა და მეთეთეობის განვითარებას;

მ) ხელს უწყობს, რათა განხორციელდეს პარტიისა და მთავრობის დადგენილებანი კოლმეურნეობების, საბჭოთა მეურნეობების, კოლმეურნეების, მუშებისა და მოსამსახურეების მიერ სასოფლო-სამეურნეო პროდუქტების სავალდებულო ჩაბარების შესახებ, სახელმწიფო შესყიდვის განხორციელების შესახებ და თვალყურს ადევნებს დაწესებული შეღავათების გამოყენებას;

ნ) ხელს უწყობს სატყეო მეურნეობის საქმეს, მინდორსაცავი და ქარსაცავი ზოლების გაშენებას;

ო) ეხმარება კოლმეურნეობებს აღრიცხვა-ანგარიშგების სწორად წარმოებაში;

პ) აქტიურ მონაწილეობას იღებს კოლმეურნეობათა საწარმოო გეგმების შემუშავებაში იმის გათვალისწინებით, რომ თვითეული კოლმეურნეობა მაღალნაყოფიერი გახდეს სოფლის მეურნეობის ყველა დარგში.

24. სახალხო განათლების კომისია:

ა) ეხმარება მშრომელთა დეპუტატების საბჭოს და სახალხო განათლების ორგანოებს საყოველთაო-სავალდებულო სწავლების კანონის განხორციელებაში, ზრუნავს სკოლებში, საბავშვო სახლებსა და საბავშვო ბაღებში სასწავლო-აღმზრდელობითი მუშაობის სწორად დაყენებისათვის;

ბ) ხელს უწყობს სკოლებისა და საბავშვო დაწესებულებათა ქსელის შემდგომ გაფართოებას; თვალყურს ადევნებს მათს მშენებლობას;

გ) ეხმარება სასკოლო ასაკის ბავშვთა და მოზარდთა აღრიცხვის ჩატარებაში, თვალყურს ადევნებს ყველა მათგანის სკოლაში ჩარიცხვას, არკვევს ცალკეული მოწაფეების სკოლისაგან ჩამოშორების მიზეზებს და იღებს ზომებს სკოლებში მათი დაბრუნებისათვის, განსაკუთრებულ ყურადღებას აქცევს იმას, რომ არ მოხდეს მოსწავლეთა განთესვა;

დ) ზრუნავს, რათა ობოლ და უმეტეაღყურეო ბავშვებს, სამამულო ომში



დაღუპულთა და ინვალიდთა შვილებს გაეწიოს მატერიალური და აღმზრდელობითი ხასიათის დახმარება, ამოწმებს პატრონობის ქვეშ მყოფი ბავშვების ცხოვრების პირობებსა და აღზრდას;

ე) ეხმარება სკოლებს ახალი სასწავლო წლისათვის მზადებაში, სასწავლო სახელოსნოებისა და საცდელი ნაკვეთების მოწყობაში, თვალყურს ადევნებს სკოლების რემონტს, სათბობით, მერხებით, დაფებით, სახელმძღვანელოებით, რვეულებით და თვალსაჩინო ხელსაწყოებით უზრუნველყოფას;

ვ) ზრუნავს მასწავლებელთა საყოფაცხოვრებო პირობების გაუმჯობესებისათვის (საცხოვრებელი ბინები, გათბობა და სხვ.);

ზ) ხელს უწყობს მოსწავლეთა პოლიტექნიკურ აღზრდას და მოსწავლეებში შრომითი ჩვევების განვითარებას სასკოლო საცდელ ნაკვეთებზე მათი აქტიური მუშაობით და საწარმოო დაწესებულებებთან (ფაბრიკებთან, ქარხნებთან) მჭიდრო კავშირის დამყარებით.

25. კულტურულ-საგანმანათლებლო კომისია:

ა) ეხმარება საბჭოს და აღმასკომს კულტურულ-საგანმანათლებლო დონისძიებების განხორციელებისა და მასების კომუნისტურად აღზრდის საქმეში;

ბ) ხელს უწყობს მშრომელთა დეპუტატების საბჭოს კულტურულ-საგანმანათლებლო დაწესებულებების (კლუბების, კულტურის სახლების, ბიბლიოთეკების, სამკითხველოების, წითელი კუთხეების, თეატრების, მუზეუმების, დასვენების პარკების და სხვ.) ქსელის გაფართოების საქმეში;

გ) ხელს უწყობს კულტურულ-საგანმანათლებლო დაწესებულებების მუშაობას და მათს უზრუნველყოფას შენობებით და ინვენტარით;

დ) ხელს უწყობს წიგნების, გაზეთების, ჟურნალების გავრცელებას, წიგნის მაღაზიებისა და კიოსკების გახსნას, რადიოფიკაციის ქსელის გაშლას, კინოფილმების ჩვენებას (განსაკუთრებით სოფლად);

ე) ხელს უწყობს კოლმეურნეობებში, საბჭოთა მეურნეობებში, საწარმოებსა და დაწესებულებებში მოხსენებების, ლექციებისა და საუბრების მოწყობას;

ვ) ეხმარება კულტურულ-საგანმანათლებლო დაწესებულებებს ბიუჯეტით გათვალისწინებული თანხების ათვისებაში, კოლმეურნეობების სპეციალური ფონდებისა და თვითდაბეგვრის თანხების დანიშნულებისამებრ გამოყენებაში;

ზ) ზრუნავს კულტურულ-საგანმანათლებლო მუშაკთა მატერიალურ-საყოფაცხოვრებო პირობების გაუმჯობესებისათვის;

თ) ხელს უწყობს მშრომელთა ფართოდ ჩაბმას მხატვრული თვითმოქმედების წრეებში (დრამატულ, მუსიკალურ წრეებში, მომღერალთა გუნდებში და სხვ.) და აქტიურ მონაწილეობას იღებს მხატვრული თვითმოქმედების წრეების შემოწმების მოწყობაში.

26. ჯანმრთელობის დაცვის კომისია:

ა) ეხმარება ჯანმრთელობის დაცვის ორგანოებს სამკურნალო-სანიტარული ქსელის გაშლის საქმეში (საავადმყოფოების, ამბულატორიების, სამშობიარო სახლების მოწყობა და სხვ.);

ბ) ამოწმებს და ხელს უწყობს სამედიცინო-სანიტარული დაწესებულებების მუშაობას და მათს კეთილმოწყობას;

გ) ხელს უწყობს საწარმოებში, კოლმეურნეობებში და საბჭოთა მეურ-



ნეობებში საბავშვო ბაგების მოწყობას, ფიზკულტურის ფართოდ განვითარებას, სოფლად და ქალაქად აბანოებისა და სამრეცხაოების მშენებლობას;

დ) ეცნობა დასახლებული პუნქტების სანიტარულ მდგომარეობას და ახორციელებს აუცილებელ სანიტარულ-პროფილაქტიკურ ღონისძიებებს;

ე) ხელს უწყობს მოსახლეობაში სანიტარულ-საგანმანათლებლო მუშაობის გაშლას (ლექციები, საუბრები და სხვ.);

ვ) ხელს უწყობს კვებისა და სავაჭრო საწარმოების, აგრეთვე საზოგადო კვების საწარმოების, ბაზრების, აბანოებისა და წყლით მომარაგებისადმი ჯეროვანი სანიტარული მეთვალყურეობის გაწევას;

ზ) თვალყურს ადევნებს საწარმოებში ტექნიკური უშიშროების წესების დაცვის საქმეს და ხელს უწყობს ჯანმრთელობის დაცვის ორგანოების ბრძოლას პროფესიულ დაავადებათა და უბედურ შემთხვევათა წინააღმდეგ;

თ) ყოველმხრივ ხელს უწყობს მედიცინის მუშაკთა საყოფაცხოვრებო პირობების გაუმჯობესებას;

ი) ხელს უწყობს მშრომელთა დეპუტატების რაიონული და საქალაქო საბჭოების აღმასკომებთან არსებული შრომის საექიმო-საექსპერტო კომისიების მუშაობას;

კ) ხელს უწყობს სანიტარულ-სამკურნალო დაწესებულებათა მუშაობის პირობების გაუმჯობესებას, თვალყურს ადევნებს საავადმყოფოებში, საბავშვო სახლებში, საბავშვო ბაგებში, სამშობიარო სახლებში და სხვა დაწესებულებებში კვების მდგომარეობას.

27. ვაჭრობისა და დამზადების კომისია:

ა) ხელს უწყობს სახელმწიფო, კოოპერაციული და საკოლმეურნეო ვაჭრობის გაშლას და საქონელბრუნვის გეგმების შესრულებას;

ბ) თვალყურს ადევნებს და ამოწმებს ხელისუფლების ორგანოების გადაწყვეტილებათა შესრულებას ვაჭრობის ორგანიზაციისა და მომხმარებელთა მომსახურების გაუმჯობესების შესახებ;

გ) თვალყურს ადევნებს და ამოწმებს სავაჭრო და საზოგადოებრივი კვების ქსელში ვაჭრობის წესების დაცვას (სწორი საზომსაწონის ხმარება, საქონლის ზუსტი წონითა და ზომით გაცემა, დადგენილი ფასების დაცვა, საქონლის სავალდებულო ასორტიმენტის დაცვა და სხვ.);

დ) თვალყურს ადევნებს და ეხმარება მუშაობაში დამამზადებელ ორგანოებს, ხელს უწყობს სასოფლო-სამეურნეო პროდუქტებისა და ნედლეულის დამზადებისა და ჩაბარების შესახებ პარტიისა და მთავრობის გადაწყვეტილებათა ცხოვრებაში გატარებას;

ე) ამუშავებს საქონელბრუნვაში დამატებითი რესურსების მოზიდვის ღონისძიებებს (საქონლის შესყიდვა, დამხმარე საწარმოთა პროდუქციის გამოშვება და სხვ.);

ვ) თვალყურს ადევნებს სავაჭრო და საზოგადოებრივი კვების ქსელის სანიტარულ-ტექნიკურ მდგომარეობას და სწორად განლაგებას;

ზ) პრაქტიკულ დახმარებას უწევს მშრომელთა დეპუტატების საოლქო, საქალაქო და რაიონული საბჭოების აღმასკომების სავაჭრო განყოფილებებს საბჭოთა ვაჭრობის გაშლასთან დაკავშირებული ამოცანების განხორციელებაში;

თ) ხელს უწყობს საკოლმეურნეო ვაჭრობის გაფართოებას, საკოლმეურ-

ნეო ბაზრებსა და წერტილებში კოლმეურნეობათა და კოლმეურნეთა მიერ საოფლო-სამეურნეო პროდუქტების უხვად შემოზიდვას;

ი) სისტემატურად ამოწმებს საკოლმეურნეო ბაზრების მდგომარეობას, თვალყურს ადევნებს ბაზრების კეთილმოწყობას, სათანადო სახსრების სრულად და დანიშნულებისამებრ გამოყენებას;

კ) თვალყურს ადევნებს სავაჭრო ორგანიზაციებისა და საზოგადოებრივი კვების საწარმოთა ცალკეულ მუშაკებზე შემოსული საჩივრების დროულად განხილვას.

28. ადგილობრივი მრეწველობის კომისია:

ა) ხელს უწყობს ადგილობრივი მრეწველობის გეგმების შესრულებას და ფართო მოხმარების საგნების გამოშვებას;

ბ) ამუშავებს საკითხს, ადგილობრივი პირობებისა და ნედლეულის ბაზის შესაბამისად, ახალ საწარმოთა მოწყობის შესახებ (აგურის, კრამიტის, კირის წარმოება, ხის დამუშავება და სხვ.);

გ) ზრუნავს ადგილობრივი ნედლეულის ახალ სახეობათა გამოვლინებისა, პროდუქციის ხარისხის გაუმჯობესებისა და ადგილობრივი მრეწველობის საწარმოთა რენტაბელური მუშაობისათვის;

დ) ხელს უწყობს საწარმოებში სოციალისტური შეჯიბრებისა, პოლიტმასობრივი და კულტურულ-საგანმანათლებლო მუშაობის მოწყობას, მუშებისა და არტელის წევრების კვალიფიკაციის ამაღლებას, საწარმოებში უშიშროების ტექნიკის დაცვას, მუშების, მოსამსახურეებისა და ინჟინერ-ტექნიკური მუშაკების საყოფაცხოვრებო პირობების გაუმჯობესებას;

ე) ამოწმებს შრომითი რეზერვების სისტემიდან გადმოცემული ახალგაზრდა კადრების სწორად გამოყენებას, შეგიძღვებისა და მოზარდების მუშაობის პირობებს;

ვ) ამუშავებს ღონისძიებებს წარმოებაში მექანიზაციის დანერგვის, პროდუქციის თვითღირებულების შემცირების, დაგროვების გეგმების შესრულების და საბრუნავი სახსრების ბრუნვის დაჩქარებისათვის.

29. საგზაო მშენებლობისა და კეთილმოწყობის კომისია:

ა) ეხმარება საბჭოს და საგზაო მშენებლობის ორგანოებს, რათა ჩააბას მოსახლეობა საგზაო მშენებლობისა და კეთილმოწყობის საქმეში, სასოფლო, რაიონული და რესპუბლიკური მნიშვნელობის გზებისა და ხიდების მშენებლობისა და რემონტის შესრულებაში;

ბ) კონტროლს უწევს კოლმეურნეობების მუდმივი საგზაო ბრიგადების ორგანიზაციას და მათს მუშაობას კოლმეურნეობების საგზაო სამუშაოთა გეგმის შესაბამისად;

გ) ამუშავებს ღონისძიებებს საგზაო სამუშაოთა სწორი ორგანიზაციის, შრომის ნაყოფიერების გაღივებისა და სამუშაოთა ხარისხის გაუმჯობესებისათვის;

დ) თვალყურს ადევნებს სავალდებულო გადაწყვეტილებების შესრულებას საგზაო მშენებლობისა და რემონტის საქმეში;

ე) ატარებს მოსახლეობაში მასობრივ ახსნა-განმარტებითს მუშაობას გზების ექსპლუატაციის წესების შესახებ; საგზაო ნაგებობების, საგზაო ნიშნებისა და გზის პირებზე ნარგავების დაცვის შესახებ;

ვ) მონაწილეობას იღებს დასახლებული პუნქტების კეთილმოწყობისა და რეკონსტრუქციის ღონისძიებების შემუშავებასა და განხორციელებაში



(ახალი ქუჩების, მოედნების და ბაზრების მოწყობა, არსებული ქუჩებისა და ტროტუარების, გარეგანი კეთილმოწყობის ობიექტების, ქუჩების განათების ხაზებისა და ხანძრის საფინანსდამდგომ ნაგებობათა რემონტი);

ზ) თვალყურს ადევნებს სახლების, ეზოების, ქუჩების, მოედნებისა და ბაზრების მდგომარეობას;

თ) ზრუნავს არსებული წყალსადენებისა და სასმელი წყლის წყაროების მოვლა-პატრონობისა და დაცვისათვის, ახალი წყაროების მოწყობისათვის და სხვ.;

ი) ხელს უწყობს კოლმეურნეობებისა და საბჭოთა მეურნეობების ცენტრების, სოფლების, სასკოლო და საავადმყოფოთა ნაკვეთების გამწვანებას, საზოგადო ბაღებისა და პარკების გაშენებას.

30. კომუნალური მეურნეობის კომისია:

ა) ხელს უწყობს საბინაო მშენებლობისა და კომუნალური საწარმოების (ელექტროფიკაცია, ელექტროქსელი, კანალიზაცია, წყალსადენი, აბანოები, სასტუმროები და სხვ.) მშენებლობის გეგმების შესრულებას და მათი ექსპლოატაციის გაუმჯობესებას;

ბ) თვალყურს ადევნებს ქალაქის საბინაო ფონდის წესიერ მოვლასა და დაცვას;

გ) იკვლევს საბინაო მშენებლობისა და კაპიტალური რემონტის მდგომარეობას, ცალკეული კომუნალური საწარმოების მუშაობას;

დ) ამოწმებს სასტუმროების, აბანოების, სახლების, ეზოებისა და ქუჩების სანიტარულ მდგომარეობას;

ე) ამოწმებს ქალაქის ტრანსპორტის მუშაობას, მის ორგანიზაციას, მოძრაობის შეუფერხებლობას და სხვ.;

ვ) მონაწილეობს იღებს ქალაქის კეთილმოწყობის ღონისძიებათა შემუშავებასა და გატარებაში, აგრეთვე ინდივიდუალური საბინაო მშენებლობის ორგანიზაციაში;

ზ) ყოველმხრივ ხელს უწყობს მშენებლობისა და კეთილმოწყობის საქმეს კოლმეურნეობებში;

თ) ხელს უწყობს სახლმმართველობების მუშაობას ბინის ქირის ვადაზე აკრეფის, სახლების მოვლისა და დაცვის საქმეში.

31. გამწვანებისა და ტყის გაშენების კომისია:

ა) ხელს უწყობს სკოლების, საწარმოებისა და დაწესებულებების ტერიტორიის, ეზოების, ქუჩების, ვულებისა და სარწყავი არხების გამწვანებას, დეკორაციული ნარგავებისა და ხეხილის გაშენებას;

ბ) ხელს უწყობს ტყის გაშენების, მოვლისა და დაცვის ღონისძიებათა განხორციელებას, დეკორაციული ნარგავებისა და ხეხილის სანერგეების მოწყობას;

გ) მონაწილეობს იღებს არსებული პარკებისა და მწვანე ნარგავების გაფართოებასა და დაცვაში;

დ) პრესის, რადიოს, კინოს, ლექციებისა და საუბრების საშუალებით ეწევა მოსახლეობაში გამწვანების, ტყის გაშენებისა და დაცვის მნიშვნელობის ფართო პროპაგანდას;

ე) ხელს უწყობს ნებაყოფლობითი საზოგადოების „ტყის მეგობრის“ მუშაობას.



13. ბრძანებულება მცხეთის რაიონის დაბა მცხეთის რაიონული დაქვემდებარების ქალაქად გარდაქმნის შესახებ

საქართველოს სსრ უმაღლესი საბჭოს პრეზიდიუმი ადგენს:

1. გარდაიქმნას მცხეთის რაიონის დაბა მცხეთა რაიონული დაქვემდებარების ქალაქ მცხეთად.

2. შემდგომში, მცხეთის მშრომელთა დეპუტატების საქალაქო საბჭოს არჩევნებამდე, მცხეთის სადაბო საბჭოს დაევალოს საქალაქო საბჭოს მოვალეობის აღსრულება.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი — ნ. ჯავახიშვილი.

ქ. თბილისი.
1956 წ. 26 სექტემბერი.

14. ბრძანებულება მცხეთის რაიონის ნიჩბისის სასოფლო საბჭოს სოფლების ნატბეურისა და ზეუზნის გაუქმების შესახებ

საქართველოს სსრ უმაღლესი საბჭოს პრეზიდიუმი ადგენს:

დამტკიცდეს მცხეთის რაიონის მშრომელთა დეპუტატების საბჭოს აღმსრულებელი კომიტეტის 1956 წლის 7 თებერვლის გადაწყვეტილება და გაუქმდეს მცხეთის რაიონის ნიჩბისის სასოფლო საბჭოს სოფლები ნატბეური და ზეუზანი, ამ სოფლებიდან მოსახლეობის გეგმიანი წესით გარდაბნის რაიონში გადასახლების გამო.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი — ნ. ჯავახიშვილი.

ქ. თბილისი.
1956 წ. 26 სექტემბერი.

15. ბრძანებულება გეგეჰკორის რაიონის ცენტრის სოფელ გეგეჰკორის დაბად გარდაქმნის შესახებ

საქართველოს სსრ უმაღლესი საბჭოს პრეზიდიუმი ადგენს:

1. გარდაიქმნას გეგეჰკორის რაიონის ცენტრი სოფელი გეგეჰკორი დაბად.

2. შემდგომში, გეგეჰკორის მშრომელთა დეპუტატების სადაბო საბჭოს



არჩევნებამდე, გეგექორის სასოფლო საბჭოს დაევალოს სადაბო საბჭოს მოვალეობის აღსრულება.

3. გეგექორის სადაბო საბჭოში შეტანილი იქნას დაბა გეგექორი და სოფლები: საელიავო, ნალფესავო, ქვაითი და ნახარებავო.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.

**16. ბრძანებულება ქუთაისის რაიონის სახალხო მოსამართლის თანამდებობისა-
გან მ. კ. თოფურიძის გამოწვევის შესახებ**

მიიღო რა მხედველობაში საქართველოს სსრ იუსტიციის სამინისტროს წინადადება ქუთაისის რაიონის სახალხო მოსამართლის მ. კ. თოფურიძის გამოწვევის შესახებ, საქართველოს სსრ უმაღლესი საბჭოს პრეზიდიუმი ადგენს:

1. გამოწვეულ იქნას ბეჟან კონსტანტინეს-ძე თოფურიძე საქართველოს სსრ ქუთაისის რაიონის სახალხო სასამართლოს მოსამართლის თანამდებობისაგან.

2. სახალხო მოსამართლის ვადაზე ადრე გასვლის გამო „საქართველოს სსრ სახალხო სასამართლოების არჩევნების დებულების“ 65 მუხლის შესაბამისად, ჩატარდეს ქუთაისის რაიონის სახალხო სასამართლოს საარჩევნო ოლქში სახალხო მოსამართლის არჩევნები 1956 წლის 4 ნოემბერს.

3. დაევალოს ქუთაისის რაიონის მშრომელთა დეპუტატების საბჭოს აღმსრულებელ კომიტეტს სახალხო მოსამართლის არჩევნების ჩატარებისას იხელმძღვანელოს საქართველოს სსრ სახალხო სასამართლოების არჩევნების დებულებით.

საქართველოს სსრ უმაღლესი საბჭოს
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივნის მოვალეობის
დროებით აღმსრულებელი—ნ. ჯავახიშვილი.

ქ. თბილისი.
1956 წ. 26 სექტემბერი.